



UNDANG-UNDANG MALAYSIA

Akta A401

**AKTA PENYELARASAN PERINDUSTRIAN
(PINDAAN) 1977**

Tarikh Persetujuan Diraja ... 25hb Mei 1977

Tarikh diterbitkan dalam *Warta* ... 9hb Jun 1977

Tarikh Persetujuan Diraja

25hb Mei 1977

Tarikh diterbitkan dalam *Warta*

9hb Jun 1977

UNDANG-UNDANG MALAYSIA

Akta A401

AKTA PENYELARASAN PERINDUSTRIAN (PINDAAN) 1977

Suatu Akta bagi meminda Akta Penyelarasan Perindustrian 1975.

[]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut:

1. Akta ini bolehlah dinamakan Akta Penyelarasan Perindustrian (Pindaan) 1977 dan hendaklah mula berkuat-kuasa pada tarikh yang ditetapkan oleh Menteri melalui pemberitahu dalam *Warta*. Tajuk ringkas dan mula berkuat-kuasa.
2. Seksyen 2 Akta Penyelarasan Perindustrian 1975, yang dalam Akta ini disebut Akta ibu, adalah dipinda— Pindaan bagi seksyen 2. Akta 156.
 - (a) dengan memasukkan suatu takrif baru yang berikut selepas sahaja takrif bagi "Menteri"—

"“pegawai pelesen” ertinya mana-mana pegawai awam yang akan dilantik oleh Perdana Menteri;” dan
 - (b) dengan menggantikan koma bertitik yang terdapat di hujung takrif “keluaran” dengan perkataan-perkataan “dan termasuklah jenaka keluaran;”.
3. Seksyen 4 Akta ibu adalah dipinda— Pindaan bagi seksyen 4.
 - (a) dengan menggantikan perkataan “Menteri” yang terdapat dalam seksyen-kecil (1) dengan perkataan-perkataan “pegawai pelesen”;

(b) dengan menggantikan perkataan "Menteri" dan perkataan-perkataan "berfaedah demi kepentingan negara" yang terdapat dalam seksyen-kecil (3), masing-masing dengan perkataan-perkataan "pegawai pelesen" dan "selaras dengan matalamat-matalamat ekonomi dan sosial negara"; dan

(c) dengan menggantikan seksyen-kecil (4) dengan seksyen-kecil baru yang berikut—

"(4) Pada mengeluarkan sesuatu lesen, pegawai pelesen boleh, bagi mencapai matalamat-matalamat yang tersebut di atas, mengenakan apa-apa syarat yang difikirkannya patut dan syarat-syarat itu boleh diubah sama ada atas permohonan pengilang itu atau atas kehendak pegawai pelesen sendiri selepas berunding dengan pengilang yang berkenaan dengannya syarat-syarat lesen itu akan diubah."

Pindaan
bagi
seksyen 7.

4. Seksyen 7 Akta ibu adalah dipinda—

(a) dengan memotong perkataan-perkataan "dan perubahan" yang terdapat dalam nota-bidai;

(b) dengan menggantikan perkataan "Menteri" yang terdapat dalam seksyen-seksyen-kecil (1) dan (3) dengan perkataan-perkataan "pegawai pelesen";

(c) dengan menggantikan seksyen-kecil (2) dengan seksyen-kecil baru yang berikut—

"(2) Tanpa menyentuh seksyen-kecil (1), pegawai pelesen boleh membenarkan sesuatu lesen dipindahmilik jika sekiranya pemegang lesen itu mati, hilang keupayaan atau bankrap atau di mana pemegang lesen itu adalah syarikat, jika sekiranya syarikat itu dilikuidasi atau jika sekiranya seorang penerima atau pengurus adalah dilantik berhubung dengan perniagaan pemegang lesen itu atau jika, kerana sesuatu sebab, pegawai pelesen berpuashati bahawa adalah tidak adil jika sekiranya ia tidak membenarkan pemegang lesen itu memindahmilik lesennya."; dan

(d) dengan memotong perkataan-perkataan "atau untuk mengubah jenis atau bilangan keluaran dalam sesuatu lesen itu" yang terdapat dalam seksyen-kecil (3).

5. Akta ibu adalah dipinda dengan memasukkan seksyen baru yang berikut selepas sahaja seksyen 7—

Seksyen
baru 7A.

"Perubahan.

7A. (1) Seseorang pengilang tidak boleh mengilang sesuatu keluaran yang lain daripada keluaran-keluaran yang dinyatakan dalam sesuatu lesen tanpa terlebih dahulu mendapat kelulusan pegawai pelesen.

(2) Seseorang pengilang boleh menggantung atau memberhentikan pengilangan sesuatu keluaran yang dinyatakan dalam sesuatu lesen selepas memberitahu pegawai pelesen secara bertulis mengenai cadangannya hendak berbuat demikian.

(3) Sesuatu permohonan untuk mendapat kelulusan di bawah seksyen-kecil (1) hendaklah dibuat secara bertulis kepada pegawai pelesen."

6. Seksyen 9 Akta ibu adalah dipinda—

Pindaan
bagi
seksyen 9.

(a) dengan memasukkan seksyen-kecil baru yang berikut selepas sahaja seksyen-kecil (4)—

"(5) Tiap-tiap pegawai berkuasa yang menjalankan kuasanya di bawah seksyen-kecil (4) hendaklah mendapatkan kelulusan bertulis Menteri terlebih dahulu sebelum menjalankan kuasa tersebut."; dan

(b) dengan menomborkan semula seksyen-kecil (5) yang sedia ada sebagai seksyen-kecil (6).

7. Seksyen 12 Akta ibu adalah dipinda—

Pindaan
bagi
seksyen 12.

(a) dengan memotong perkataan "dan" yang terdapat di hujung perenggan (a);

(b) dengan memasukkan perenggan baru yang berikut selepas sahaja perenggan (a)—

"(b) menetapkan acara bagi rayuan-rayuan di bawah Akta ini dan bayaran-bayaran yang kena dibayar baginya; dan"; dan

(c) dengan menomborkan semula perenggan (b) yang sedia ada sebagai perenggan (c).

Seksyen-
seksyen
baru 13,
14, 15 dan
16.

8. Akta ibu adalah dipinda dengan menambah kepadanya seksyen-seksyen baru yang berikut—

“Rayuan. 13. (1) Mana-mana pengilang yang terkilan dengan—

(a) keengganan memberi sesuatu lesen;

(b) pembatalan sesuatu lesen;

(c) keengganan meluluskan pindahmilik sesuatu lesen,

boleh, dalam tempoh tiga puluh hari dan dengan apa-apa cara yang ditetapkan, merayu kepada Menteri.

(2) Menteri boleh, selepas mendengar rayuan itu, membuat apa-apa perintah yang difikirkannya patut mengenai perkara-perkara yang disebutkan dalam perenggan-perenggan (a), (b) dan (c) seksyen-kecil yang di atas dan perintah itu adalah muktamad dan tidak boleh dipersoalkan dalam mana-mana mahkamah.

Lesen
terus
berkuat-
kuasa
sementara
menanti
keputusan
rayuan.

14. Jika seseorang pengilang membuat suatu rayuan di bawah Akta ini terhadap pembatalan sesuatu lesen, lesen itu hendaklah terus berkuatkuasa sehingga rayuan itu telah diputuskan tetapi tanpa menyentuh perjalanan, buat sementara itu, kuasa-kuasa pembatalan yang diberi oleh Akta ini atas apa-apa alasan yang tidak diliputi oleh rayuan itu.

Pembatalan
hendaklah
disiarkan.

15. (1) Jika sekiranya tiada apa-apa rayuan terhadap pembatalan sesuatu lesen oleh pegawai pelesen dalam tempoh yang ditetapkan, Menteri hendaklah menyiarkan pembatalan itu melalui pemberitahu dalam *Warta*.

(2) Jika sekiranya Menteri membuat suatu perintah membatalkan sesuatu lesen, Menteri hendaklah menyiarkan pembatalan itu melalui pemberitahu dalam *Warta*.

Kecualian
bagi lesen
yang sedia
ada.

16. Tiap-tiap lesen yang telah dikeluarkan oleh Menteri di bawah seksyen 4 sebelum mula berkuatkuasanya Akta Penyelerasan Perindustrian (Pindaan) 1977 hendaklah, apabila mula berjalan kuatkuasanya pindaan tersebut, disifatkan sebagai

suatu lesen yang dikeluarkan oleh pegawai pelesen di bawah Akta ini dan tertakluk kepada had-had dan syarat-syarat yang dikenakan pada lesen itu.”.

9. Akta ibu adalah dipinda dengan menggantikan perkataan “Menteri” di mana-mana jua perkataan itu terdapat dalam seksyen-seksyen 5, 6 dan 10 dengan perkataan-perkataan “pegawai pelesen”.

Pindaan
bagi
seksyen-
seksyen
5, 6 dan 10.